

Salis communis præcipitatur. Quod fundum petit Chloretum argenticum, Aquâ destillatâ fervidâ bene lavatur et deinde siccatur.

Hoc præcipitatum, cum æqua portione *Carbonatis kalici depurati* mixtum, in crucibulum argillaceum ingeritur, quod igne paullo remissiori rubescit per horam dimidiam vel donec, massâ nondum liquatâ, argentum in statum metallicum reductum sit; tum calor augetur, ita ut omnia liquefiant, et argentum in unum coire possit.

AXUNGIA CURATA.

Adeps curata.

Axungia Porci, membranulis, venis et fibrillis exemptis, lavatur Aquâ et in balneo vaporis liquatur; denique, post humidi exhalationem, per linteum exprimendo colatur.

Curantur eodem modo *Sevi* variæ species.

BALSAMUM ADSTRINGENS.

Rec. *Acidi sulphurici destillati* drachmas decem, p. 5.

quibus in vase vitreo capaci et ampli orificii guttatim et per vices affunditur

Olei Terebinthinæ uncia dimidia . . . p. 2.

Effervescentiâ et calore cessantibus, caute admiscuntur

Spiritus diluti uncie quattuor . . . p. 16.

Servatur in vase vitreo, bene clauso.

BALSAMUM AROMATICUM.

Linimentum aromaticum.

Rec. *Ceræ flavæ* unciam dimidiam, . . . p. 12.

Olei Nucis moschatæ uncias duas . . p. 48.

Calore balnei vaporis liquata colantur; nondum concretis admiscentur

Olei Succini empyreumatici rectificati scrupulus, p. 1.

Balsami peruviani drachmæ duæ, . . p. 6.

Olei Lavendulæ,

Ætherolei Caryophyllorum, singulorum uncia dimidia p. 12.

Exactissime mixta in vase, bene obturato, servantur.

BALSAMUM SULPHURIS.

Rec. *Sulphuris sublimati* libram dimidiam, p. 1.

Olei Lini libras duas p. 4.

Oleo, in vase terreo vitreato aut ferreo, satis capaci et alto, ad $+200^{\circ}$ C. circiter calefacto, additur sensim Sulphur, agitando spathulâ et cavendo, ne nova Sulphuris portio addatur, nisi prius cessaverit effervescentia, neu temperatura $+250-260^{\circ}$ C. superet.

BALSAMUM SULPHURIS TEREBINTHINATUM.

Ætheroleum Terebinthinæ sulphuratum.

Rec. *Balsami Sulphuris* libram, p. 1.

Ætherolei Terebinthinæ depurati libras tres p. 3.

Soluta in vase clauso servantur.

BICARBONAS KALICUS.

Carbonas kalicum.

Rec. *Carbonatis kalici depurati*,*Aquæ destillatæ*, singulorum partes æquales.Fit solutio, quæ colata *Acidi carbonici Gase* in apparatu idoneo perfecte saturatur; crystalli, post hæc demissæ, inter chartæ plagulas siccantur.

Liquor residuus, blando calore evaporatus, novam crystallorum tradit copiam.

BICARBONAS NATRICUS.

Carbonas Natricum.

Sodæ depuratæ crystallisatæ pars una cum *ejusdem Salis*, fatiscendo in pulverem redacti, partibus tribus terendo intime commiscetur et, in apparatu idoneo, *Acido carbonico* perfecte saturatur.

BILIS BOVINA INSPISSATA.

Fel Tauri inspissatum.

Rec. *Bilis bovinæ recentis*, e vesicis nuper depromptæ, libram vel quantum vis,*Spiritus concentrati* par pondus.

Probe mixta et per linteum trajecta in balneo aquæ vaporando comminuuntur, donec residuum pondus specificum 1.20 habeat.

BOLUS PRÆPARATA.

Bolus armena, in mortario contrita vel super porphyritem levigata, sacco linteo, e filis tenuissimis (quorum 130 pollicem decimalem, vel 108 pedis duodecimam partem (1 werftum),

efficiunt) contexto, includitur, quo apte quas-
sando pulvis subtilissimus a crassiore separatur;
hic denuo tritus eodem modo tractatur, ille vero
inpalpabilis servandus est.

CALAMINA PRÆPARATA.

Fit, ut Bolus præparata, e *Calamina*.

CARBO ANIMALIS.

Carbo Lixivii Sanguinis.

Rec. *Carbonatis kalici depurati* libras duas, p. 1.

Sanguinis bovini, recentis libras decem p. 5

Mixta supra balneum arenæ evaporant, ut ex-
siccentur; quo facto in crucibulo ferreo tecto
leni igne candefiunt, quamdiu vapores inflam-
mabiles evolvantur. Massa refrigerata cum *Aqua*
destillata in mortario teritur in pulverem tenu-
issimum, qui, Aquâ probe lotus, cum *Acido*
hydrochlorico diluto coquitur et Aquâ destillatâ
denuo edulcoratur. Carbo residuus levis sicca-
tur et in crucibulo, bene tecto, leniter excan-
descit. Post refrigerationem in vas, probe clau-
dendum, statim ingeritur.

CARBO SPONGIÆ.

Spongia usta.

Spongiæ marinæ frustula, ab arenulis pur-
gata, in crucibulo cooperto, ut plane excan-
descant et donec fumum emittere cessent, urun-
tur. Carbo exinde ortus in crucibulo, ex igne
remoto, operculo etiamnunc remanente, refrige-
ratur et in vase clauso servatur.
